



**საქართველოს გარემოსა და ბუნებრივი რესურსების დაცვის
სამინისტრო
MINISTRY OF ENVIRONMENT AND NATURAL RESOURCES PROTECTION OF
GEORGIA**



KA060195780955814

საქართველო, 0114 თბილისი, გ.გულას ქ. №6; ტელ: 2727200, 2727220, ფაქსი: 2727237; www.moe.gov.ge
6 G. Gulab Str. 0114, Tbilisi, Georgia. Tel: +995 32) 2727200, 2727220, Fax: 2727237; www.moe.gov.ge

487

03 / თებერვალი / 2014 წ.

მწვანე ალტერნატივას აღმასრულებელ
დირექტორს ქალბატონ ნინო გუგუაჩაიძეს

ქალბატონო ნინო,

საქართველოს გარემოსა და ბუნებრივი რესურსების დაცვის სამინისტროში მიმდინარე წლის 22 იანვარს შემოსულ #708 წერილთან დაკავშირებით მოგახსენებთ, რომ ასოციაციის წერილში სრულიად სამართლიანადაა აღნიშნული ის გარემოება, რომ სამინისტრო არაა პასუხისმგებელი გაზეთის გამოცემის ან გამოშვების დახურვის საკითხებზე. შესაბამისად, ერთი რომელიმე კონკრეტული გაზეთის საქმიანობის შეწყვეტა არ ზღუდავს საქმიანობის განმახორციელებელს დაგეგმილი საქმიანობის შესახებ ინფორმაცია გამოაქვეყნოს სხვა ცენტრალურ პერიოდულ ბეჭდვით ორგანოში. გარდა ამისა, „გარემოზე ზემოქმედების ნებართვის შესახებ“ საქართველოს კანონის მე-6-ე მუხლის შესაბამისად, საქმიანობის განმახორციელებელი ვალდებულია ინფორმაცია გამოაქვეყნოს როგორც ცენტრალურ პერიოდულ ბეჭდვით ორგანოში, ისე იმ თვითმმართველი ერთეულის ადმინისტრაციული ტერიტორიის ფარგლებში არსებულ პერიოდულ ბეჭდვით ორგანოში (ასეთის არსებობის შემთხვევაში), სადაც დაგეგმილია საქმიანობის განხორციელება.

დამატებით გვსურს გაცნობოთ, რომ სამინისტრო დაგეგმილი პროექტების შესახებ ინფორმაციას ათავსებს ოფიციალურ ვებ გვერდზე, რითაც ხელს უწყობს დაინტერესებულ საზოგადოებას მიიღოს ინფორმაცია სამინისტროში განსახილველად წარმოდგენილი პროექტების შესახებ.

რაც შეეხება საზოგადოების ჩართულობის უზრუნველსაყოფად ეფექტური მექანიზმების დანერგვას შესაბამისი საკანონმდებლო ინიციატივების გზით, გაცნობებთ, რომ საქართველო-ევროკავშირის ასოცირების ხელშეკრულების შესაბამისად, სახელმწიფოს მთელი რიგი ვალდებულებები განესაზღვრა სხვადასხვა სფეროში. გარემოს დაცვის კუთხით სახელმწიფოს ერთ-ერთი ძირითადი ამოცანაა არსებული გარემოზე ზემოქმედების სისტემის გაუმჯობესება და საკანონმდებლო რეგულაციების სრულყოფა. სწორედ აღნიშნული ასოცირების ხელშეკრულების მოთხოვნებთან მიახლოების მიზნით, სამინისტრომ დაიწყო გარემოზე ზემოქმედების ნებართვის კანონმდებლობის ხარვეზების დადგენა და ხარვეზების ანალიზი საერთაშორისო მოთხოვნებთან მიმართებაში. 2013 წლის 4 ნოემბერს გაიმართა ღონისძიება პროექტის „მწვანე ეკონომიკა აღმოსავლეთ სამეზობლოში“ მეორე კომპონენტის ფარგლებში „გაერთიანებული ერების ორგანიზაციის ეკონომიკური კომისია ევროპისთვის“ (UNECE) ფინანსური ხელშეწყობით, სადაც ჩართული იყო საერთაშორისო ექსპერტი, გარემოსა და ბუნებრივი რესურსების დაცვის სამინისტრო, გარემოზე ზემოქმედების შეფასების კონვენციის (ESPO) სამდივნოს წარმომადგენლები, ღონისძიებაში მონაწილეობდნენ ექსპერტები რეგიონული განვითარებისა და ინფრასტრუქტურის, ენერჯეტიკის, ეკონომიკისა და მდგრადი განვითარების სამინისტროებიდან, ასევე საერთაშორისო და არასამთავრობო ორგანიზაციებისა და ბიზნეს-სექტორის წარმომადგენლები.

შეხვედრის შედეგად საერთაშორისო ექსპერტის დახმარებით შემუშავდა დოკუმენტი, სადაც აღწერილია დღეს მოქმედი კანონმდებლობის ხარვეზები და შემოთავაზებულია რეკომენდაციები. შესაბამისად სამინისტრომ დაიწყო გარემოსდაცვითი კუთხით იმ აქტივობების განხორციელება, რომელმაც ხელი უნდა შეუწყოს ევროკავშირის სტანდარტების და მოთხოვნების დანერგვას.

ამ ეტაპზე სამინისტროში მიმდინარეობს კონსულტაციები სხვადასხვა დონორ ორგანიზაციებთან, რომლებიც გეთავაზობენ დახმარებას გარემოზე ზემოქმედების ნებართვის კანონის სრულყოფის მიზნით. მას შემდეგ რაც დაიდება გარკვეული სახის პროექტი იგი გახდება საჯარო და ვველა დაინტერესებულ პირს მიეცება

შესაძლებლობა ჩვერთოს აღნიშნულ პროცესში და გამოთქვას თავისი მოსაზრება.

პატივისცემით,

საზოგადოებასთან ურთიერთობის სამსახურის
უფროსი



ინგა ნიკაგოსიანი